

**Broj:1-11-16-4-3845-35/16**  
**Mostar, 15.03.2018.godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“ broj: 43/09), člana 20.i 24. Statuta Agencije za pružanje usluga u vazdušnoj plovidbi BiH („Službeni glasnik BiH 63/10), člana 69. stav (3) Zakona o javnim nabavkama („Službeni glasnik BiH“, broj 39/14), direktor Agencije na osnovu zaključka sa 65. sjednice Uprave Agencije donosi:

## **ODLUKU**

**o**

### **poništenju postupka javne nabavke softverskog rješenja za upravljanje ljudskim resursima i obračun zarada i drugih primanja**

#### **Član 1.**

Poništava se otvoreni postupak javne nabavke softverskog rješenja za upravljanje ljudskim resursima i obračun zarada i drugih primanja, pokrenut Odlukom broj 1-11-16-4-3845-1/16 od 04.10.2016. godine i objavljen na portalu javnih nabavki pod brojem 1250-1-1-75-3-48/17, dana 09.08.2017. godine.

#### **Član 2.**

Postupak iz člana 1. se poništava/otkazuje u skladu sa članom 69. stav (3) Zakona o javnim nabavkama, zbog razloga koji su izvan kontrole Ugovornog organa i koji se nisu mogli predvidjeti u vrijeme pokretanja predmetnog postupka.

#### **Član 3.**

Ova odluka stupa na snagu danom donošenja.

#### **Obrazloženje:**

Agencija za pružanje usluga u zračnoj plovidbi BIH (u daljnjem tekstu BHANSA) kao Ugovorni organ je Odlukom broj 1-11-16-4-3845-1/16 od 04.10.2016. godine pokrenula otvoreni postupak javne nabavke roba softverskog rješenja za upravljanje ljudskim resursima i obračun zarada i drugih primanja. Predmetni postupak je zajedno sa tenderskom dokumentacijom objavljen na portalu javnih nabavki pod brojem 1250-1-1-75-3-48/17, dana 09.08.2017. godine. Odlukom, broj 1-11-16-4-3845-10/16 od 06.09.2017. godine, BHANSA je otkazala predmetni postupak iz razloga izmijenjenih potreba za softverskim rješenjima, kako je opisano u predmetnoj Odluci. Obavještenje o poništavanju postupka, broj 1250-1-1-74-4-53/17, je objavljeno na portalu dana 07.09.2017. godine. U skladu sa navedenim, BHANSA je svim ponuđačima vratila neotvorene pristigle ponude. Ponuđač InfoDom d.o.o. je odbio primiti svoju ponudu, te se ista nalazi u predmetu Ugovornog organa.

Na odluku o otkazivanju postupka javne nabavke ponuđač InfoDom d.o.o. je uložio žalbu koju je URŽ usvojio i donio rješenje, broj JN2-01-07-1-566-7/17 od 28.09.2017. godine, kojim je poništio odluku te predmet vratio Ugovornom organu na ponovni postupak.

U skladu sa navedenim Rješenjem, BHANSA dalje postupa po žalbi na tendersku dokumentaciju i odgovore na pitanja izjavljenoj od strane ponuđača EMC d.o.o., broj 1-25-16-4-3845-9/16 od dana 06.09.2017. godine, te izjašnjenje i svu tendersku dokumentaciju dostavlja URŽ, koji istu odbacuje kao neurednu rješenjem broj: JN2-01-07-1-663-7/17 od dana 28.12.2017. godine.

U daljem postupku po rješenju URŽ broj JN2-01-07-1-566-7/17 od 28.09.2017. godine, kojim je poništena Odluka o otkazivanju postupka, te predmet vraćen Ugovornom organu na ponovni postupak, konstatovano je sljedeće:

1. Objavom Obavještenja o otkazivanju postupka predmetne JN na portalu E-nabavke broj 1250-1-1-74-4-53/17, postupak zaključen, te dalji nastavak rada nije moguć na portalu EJN. S tim u vezi, BHANSA se u nekoliko navrata obraćala Agenciji za javne nabavke BiH sa molbom za pojašnjenjem i uputama za daljni rad u predmetnom postupku. U odgovoru Agencije je, između ostalog, navedeno da *„nije moguće potpuno poništiti nešto što je već objavljeno i postalo javno dostupno, odnosno ne postoji mogućnost da se objavljeno obavještenje povuče sa Portala, niti da se objavi obavještenje o poništenju već objavljenog obavještenja“*. Pored navedenog, u odgovoru se ističe da *„ne postoji mogućnost dodjeljivanja novog broja na Portalu javnih nabavki za postupak za koji je objavljeno obavještenje o poništenju“*.
2. U daljem nastavku postupka nije moguće izvršiti otvaranje i evaluaciju pristiglih ponuda, budući da su iste nakon objave Obavještenja o poništenju postupka, neotvorene vraćene ponuđačima. Izuzetak je ponuda ponuđača InfoDom d.o.o. koji je odbio primiti natrag svoju ponudu, te se ista nalazi u predmetu Ugovornog organa. Otvaranje navedene ponude bi dovelo do narušavanja opštih principa definisanih članom 3. ZJN kojim je propisana obaveza ugovornog organa *da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju*.
3. Utvrđivanje novog roka za dostavu ponuda, kojim bi se omogućilo poštovanje principa transparentnosti i aktivne konkurencije, zahtijeva izmjenu tenderske dokumentacije. Izmjena tenderske dokumentacije bi, u konkretnom slučaju, bila u suprotnosti sa članom 53. stav (6) ZJN, kojim je propisano da je Ugovorni organ obavezan da izmjenu tenderske dokumentacije dostavi zainteresovanim ponuđačima najkasnije pet dana prije roka za prijem ponuda, budući da je rok za prijem ponuda koji je definisan tačkom 9. Tenderske dokumentacije istekao na dan 07.09.2017. godine. Takođe, ne postoji mogućnost da se eventualne izmjene tenderske dokumentacije objave na Portalu javnih nabavki u skladu sa Uputstvom o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-NABAVKE“, jer je postupak na navedenom portalu zaključen objavljivanjem obavještenja o poništenju postupka.
4. Nadalje, rok za otvaranje uredno pristiglih ponuda utvrđen tačkom 10. Tenderske dokumentacije je istekao. Zakazivanje novog roka za otvaranje i evaluaciju uredno pristiglih

ponuda, takođe zahtijeva izmjenu tenderske dokumentacije (što je u suprotnosti sa članom 53. stav (6) ZJN), kao i objavu na Portalu javnih nabavki što, kako je već navedeno nije moguće izvršiti u skladu sa Uputstvom o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-NABAVKE“.

Imajući u vidu naprijed navedeno, konstatovano je da dalji nastavak postupka nije moguć iz razloga koji su izvan kontrole Ugovornog organa i koji se nisu mogli predvidjeti u trenutku pokretanja postupka, te je odlučeno kao u dispozitivu.

**Pouka o pravnom lijeku: Protiv ove Odluke može se izjaviti žalba URŽ-u u roku od 10 dana od dana prijema Odluke**



**Dostaviti:**

1. Ponuđač:
  - InfoDom d.o.o
2. Web stranica BHANSA-e
3. a/a